



UNIVERSITÄTS-
BIBLIOTHEK
PADERBORN

**Les Fleurs Des Vies Des Saints Et Des Festes De Toute
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles
Borromeo, & de Sainte Françoise ; Avec le Martyrologe Romain, pour
tous les iours de l'Annee ...

Ribadeneyra, Pedro de

Paris, 1631

vii La vie de s. Donat Euesque & martyr.

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)

6. n'avez pas accoustumé de le faire sans ministre
 Adv. qu'avez-vous remarqué en moy pour me rebu-
 ter ainsi ? vous m'avez peut estre trouué trop
 coüart & lasche: vous m'avez donné la charge
 d'administrer aux fideles le sang de Iesus-Christ
 & maintenant vous voulez respandre le vostre
 sans moy, puis que vous m'avez bien choisi pour
 ce qui est de plus important, pourquoy me re-
 iettez-vous en chose beaucoup moindre ? Ne
 craignez-vous point que l'on vous tienne indif-
 cret, quoy que l'on prise vostre force, d'autant
 que le deffaut du disciple, c'est le deshonneur du
 maistre: plusieurs grâds personages ont acquis
 le renom de victorieux, pour auoir surmonté de
 braues Capitaines, & ont triomphé des batailles
 gaignees par leurs soldats.

Laurens disoit cela du plus profond de son
 cœur, pleurant à chaudes larmes: mais saint
 Sixte le consola en ses termes: Mon fils ie ne te
 laisse pas, ny ne te mesprise comme coüart, pu-
 sillanime, au contraire, ie t'aduertis que tu es
 reserué à vn plus furieux combat, & à de plus
 cruels tourmens, pour mon regard ie suis foible
 & cassé de vieillesse, ma peine sera legere &
 courte: mais c'est à toy qui es vn ieune homme,
 fort, de triompher plainement du tyran: ne
 pleures point, tu viendras bien-tost apres moy.
 Il ne dit pas (comme saint Augustin a remar-
 qué) ceste persecution ne durera gueres, de la-
 quelle tu seras exempt, ains tu mourras bien-
 tost, au bout de trois iours, toy qui es Diacre sui-
 uuras ton Prestre: pourquoy cherches-tu de la
 compagnie en ton martyre, veu que la gloire des
 tourmens doit estre attribuée à la vaillance? A
 quel propos veux-tu que ie sois avec toy? Helie
 laissa Helisee, nonobstant il ne manqua pas de
 vertu, & de forces pour faire de grandes mer-
 ueilles; tu en feras tout de mesme sans moy; le
 t'encharge seulement de donner les thresors de
 l'Eglise, qui sont en ton maniement, aux pau-
 ures necessiteux, selon que tu verras bon estre.

En apres Sixte fut mené deuant le tyran, pour
 ouyr prononcer son dictum, qui portoit, qu'on
 le conduiroit au Temple de Mars, & que s'il n'y
 vouloit sacrifier on le fist mourir sur le champ.
 Sixte estant à la porte du Temple, dit à l'Idole,
 Iesus-Christ Fils de Dieu vivant te destruis, les
 Chrestiens qui estoient là presens, respondirent
 à haute voix, Amen: & soudain vne grande par-
 tie du Temple tomba avec l'Idole: dequoy les
 Gentils & satellites de l'Empereur demeurèrent
 plus endurcis qu'au parauant, le traissant hors
 de la ville pour luy trancher la teste. Saint Lau-
 rens alloit apres luy, disant d'affection: Saint
 Pere ne me laissez pas, j'ay desia fait vostre cõ-
 mandement, & de party aux pauvres les thresors
 de l'Eglise. Saint Sixte eut la teste tranchée a-
 uec deux Diacres, Felicissime & Agapite, qua-
 tre Sous-Diacres, Ianuier, le Grand, innocet, &
 Estienne, comme dit le Martyrologe Romain
 à ce iour. Sixte fut enterré dans le cimetièrre de
 Calixte, & les Diacres dans celuy de Pretextat.
 Il celebra vne fois les Ordres au mois de De-
 cembre, esquels il fit deux Euesques, quatre

Prestres, & sept Diacres. Faut prendre garde que
 prudence en ses Hymnes, semble dire que saint
 Sixte fut crucifié, en ces vers:

*Desia Sixte en Croix attaché,
 Voyant Laurens tout esploré
 Souffrir au pied de la Croix, &c.*

Neantmoins la commune opinion de tous les
 autres Historiens est qu'il fut decapité, ainsi que
 le Cardinal Baronius a remarqué. Saint Cy-
 prian fait mention de saint Sixte en l'Epistre
 82. Saint Ambroise liure 1. des Offices, chap.
 41. Prudence Hymne second, saint Hierome
 des Autheurs Ecclesiastiques, Eusebe liu. 7. ch.
 4. Nicephore liure 6. chap. 34. les Martyrolo-
 ges de Beda, Vfuard, & le Romain: le Cardinal
 Baronius au 2. Tome de ses Annales, qui dit
 qu'il fut martyrisé l'an 261. sous les Empereurs
 Valerian & calien.

*A tel iour nostre Sauueur & Redempteur Iesus-Christ
 se transfigura sur la montagne de Thabor. A Rome sur le grand
 chemin d'Anrele, & au cimetièrre de Calliste, fut enterré
 saint Sixte Pape second du nom, & martyr, qui succeda à S.
 Estienne, & eut la teste tranchée durant la persecution de Valerian.
 Auec luy furent encore decapitez les saints martyrs Fel-
 icissime & Agapite Diacres, Ianuier, le Grand, innocet &
 Estienne Sous-Diacres, qui furent ensevelis au cimetièrre de
 Pretextat: saint Cyprian ecrivit aussi que saint Sixte mourut
 avec eux. A Alcalé en Espagne les saints martyrs Iulien &
 Pafleur freres, estans encores petits escoliers, quierent leurs
 escriptoires & porte-feuilles, pour courir au martyre, furent pri-
 x par commandement de Dacian, battus à coups de baston, &
 persiflans à s'exhorter & animer l'un l'autre, furent menés
 hors de la ville, & là esfranglez par le boitreau. A mesme iour
 deceda S. Hormidas Pape, successeur de S. Symmaque. A
 Amode S. Jacques hermite, renommé pour ses miracles.*

LA VIE DE SAINT DONAT, Euesque & Martyr.



AINC Donat euesque d'Areze, qui est
 en vne ville d'Italie en Toscane, nay
 de parens nobles, riches, & saints, les-
 quels furent martyrisés, comme il est
 à presumer, du temps des Empereurs Diocletian
 & maximian, laissant leur fils Donat en bas aage,
 lequel pour euiter la fureur de ceste persecutio
 se retira en la ville d'Areze, & s'accosta d'un Re-
 ligieux de sainte vie nommé Hilarin; par lequel
 Dieu fit plusieurs miracles. Donat reluisoit à
 cause de ses bonnes mœurs, & grande erudition
 en toutes sortes de sciences: il fut Diacre & Pre-
 stre par Satur Euesque d'Areze, par le deuez du-
 quel il fut esleu en sa place, avec l'approbation
 & consentement de tous les fideles, Dieu fit des
 rares merueilles par S. Donat, entre lesquelles le
 Pape S. Gregoire raconte que les centils ayans
 cassé le Calice de verre, duquel en ce temps-là
 on disoit la Messe, S. Donat fit rassembler tous
 les morceaux de verre rompu, & par son oraison
 Dieu remit le calice en son entier, par lequel
 miracle Adon Viennois dit que 79. Payés furent
 conuertis à la Foy de nostre Seigneur Iesus-

Christ: il guarissoit plusieurs malades, deliuroit les possedez: en vne ardente feicheresse, il obtint la pluye du Ciel, & estant allé hors la ville, il s'en reuint sans estre mouillé, encore qu'il pleust bien fort.

Vn Threforier de l'Empereur nommé Eustache, auoit receu vne grosse somme de deniers pour l'Empereur, il la bailla à garder à sa femme nommée Eufrosine, laquelle en l'absence de son mary estât a duerie qu'il venoit des gens de guerre à Areze, de peur qu'on ne pillast, enfoiit cet argent en terre, & mourut au parauant que son mary fust de retour: de sorte qu'Eustache estant reuenu trouua sa femme morte, & son argent bien esgaré, n'en ayant aucune adresse, & neantmoins il le fallut payer au fisque: ce qui luy redoubloit son affliction, parce qu'il n'auoit moyen de satisfaire par ailleurs.

Ileut recours à saint Donat, qui alla avec le mary sur le tombeau de ceste femme Eufrosine, & apres auoir fait sa priere, luy dit; Eufrosine, ie te conieure & commande de la part de Dieu de nous dire où tu as mis l'argent que ton mary te laissa: soudain on entendit vne voix dans le sepulchre qu'il respondit à saint Donat qu'il bechoit en vn certain lieu qu'elle designa, & qu'ils l'y trouueroient: ce qu'ils firent, & le mary fut deliuré de cet ennuy. S. Antonin escrit qu'un homme de bien ayant emprunté deux cens escus d'un autre, dont il fit sa promesse de les rendre, les paya sans ce soucier de retirer sa cedulle: tost apres il deceda, & ce pretendu creancier s'opposoit à ce qu'il fust enterré iusques à ce qu'on luy eust payé la somme contenue en la cedulle qu'il auoit retenuë par deuers luy: la femme du defunct s'en vint pleurant trouuer saint Donat pour luy conter sa desconuenue, & que sans doute son mary auoit payé les deux cens escus, encore que ce mauuais creancier eust retenu la cedulle, d'or il luy faisoit à present la guerre; S. Donat fut trouuer le corps qui estoit sur les treteaux, & luy dit: Leue-toy, & te deffends contre cet homme qui empesche que tu ne sois porté dans le tombeau: le mort se leua en son seant sur le cereueil, & conuinquit le creancier qui desnoit malicieusement d'auoir esté payé, & luy fit redre sa cedulle rayée & biffée, puis il pria S. Donat de le renvoyer en son repos: ce qu'il fit. Par ces miracles & autres fort rares, il couuert beaucoup de Payens, & fit la guerre aux diables: cela estant venu aux oreilles de Quadracian, Prefect de l'Empereur Iulian l'Apostat, il fit prendre saint Donat & Hilarin pour les contraindre de sacrifier aux Dieux: comme il veid que les saints se mocquoiet de ses intimidatiōs & menaces, il fit tant battre Hilarin à coups de battons, qu'il rendit l'ame à Dieu en ce tourmēt, & apres auoir fait dōner plusieurs coups de pierre sur le visage de saint Donat, detenu prisonnier en vn cachot noir, il luy fit trancher la teste.

Les corps des saints furent enterrez aupres de la ville; leur martyre fut le 7. du mois d'Aoust, l'an de N. Seig. 362. le second de l'Empire de Iulian l'Apostat. Encore que saint Donat &

S. Hilarin furent martyrisez en vn mesme iour, l'Eglise fait commemoration de saint Donat le iour qu'il deceda, & de saint Hilarin le 16. iour du mois de Iuillet, lors que son corps saint fut porté à Ostie. Il est fait mention de saint Donat es Martyrologes de Beda, Vfnard, Adon & Roman en saint Antonin Archeuesque de Florence, & le Cardinal baronius en ses Annotations sur le martyrologe, remarque que les actes de S. Donat sont broüillez & confus: mais nous en auons seulement tiré ce qui nous a semblé plus veritable & conforme à ce que les auteurs anciens de l'Histoire Ecclesiastique & seculiere en ont escrit de l'Empereur Iulian l'Apostat.

LA VIE DE SAINT ALBERT,
Carmelite, Confesseur.



Le Martyrologe Romain le septiesme iour du mois d'Aoust fait mention de saint Albert Religieux Carme, dont la vie se trouue dans Surius. S. Albert nasquit au Royaume de Sicile, de Benoit & Ieane ses pere & mere, personnes Nobles & illustres, lesquels demouroient en la ville de Trapan, avec vn grand exemple de vertu & d'honesteté. Ils auoient esté 26. ans en mariage sans auoir d'enfans: ils prindrent pour mediatrice la glorieuse V. Marie & luy promirent que si elle leur donnoit vn fils, ils le consacreroient à son seruice à l'Ordre des Carmes: Ieane deuint grosse, & veid en songe sortir de son ventre vn cierge ardent: son mary Benoit eut la mesme vision, laquelle leur fit presumer que l'enfant qui naistroit seruiroit de flambeau à plusieurs. L'enfant estant venu au monde, ils le nommerent Albert, & l'esleuerent soigneusement comme vn enfant d'Oraison que Dieu luy auoit donné par l'intercession de la Vierge: à mesure qu'il croissoit, on luy monstroit les principes des lettres couenables à son bas aage. Si tost qu'il eut atteint huit ans, parce qu'il estoit de belle esperance, & d'une riche maison, il y en eut qui parlerent à son pere de le marier avec vne fille qui auoit de grands biens: le pere s'y laissa aller, mais la mere n'y voulut pas consentir, se souuenant du vœu qu'ils auoient fait au parauant qu'il fust conceu de le dedier au seruice de la Vierge Marie: ainsi la mere appella son fils Albert, & luy declara le vœu qu'ils auoient fait le priant de l'accomplir, & de prendre nostre Dame pour sa mere & Aduocate; ce que le ieune homme luy promit de faire, & prenant la benediction de son pere & de sa mere, s'en alla au Couuent des Carmes, qui est proche de Trapan, où il demanda l'habit: les Religieux firent quelque difficulté, à cause de ses parens; mais depuis ils furent bien aises de le recevoir, d'autant que ses parens ayans esté blasmez de la glorieuse Vierge, de quoy ils tarderent tant à luy donner ce qu'ils luy auoient promis, demanderent eux-mesmes l'habit pour luy.